

	Emri i institucionit: DREJTORIA E PËRGJITHSHME E STANDARDIZIMIT	Dokumenti Nr.: RB/DL/006	
Titulli: Forumi Kombëtar i Standardizimit pranë DPS	Versioni: 02	Faqe Nr.: Faqe 1/9	

Shtator 2016

RREGULLORE E BRENDSHME

PËR

ORGANIZIMIN DHE FUNKSIONIMIN E FORUMIT KOMBËTAR TË

STANDARDIZIMIT PRANË DPS-së

Dok. Nr. RB/DL/006

	Emri i institucionit: DREJTORIA E PËRGJITHSHME E STANDARDIZIMIT	Dokumenti Nr.: RB/DL/006	
Titulli: Forumi Kombëtar i Standardizimit pranë DPS		Versioni: 02	Faqe Nr.: Faqe 2/9

KREU I

PARIME TË PËRGJITHSHME

Objekti

Objekti i kësaj rregulloreje është përfshirja në procesin e standardizimit e çdo qytetari ose grupi të organizuar qytetarësh apo biznesesh në Republikën e Shqipërisë, të interesuar për këtë proces, nëpërmjet pjesëmarrjes në Forumin Kombëtar të Standardizimit (FKS) pranë DPS-së. Kjo rregullore përcakton çështjet që lidhen me funksionimin e Forumit Kombëtar të Standardizimit (FKS-së), të drejtat dhe detyrimet e anëtarëve të saj, llojin e anëtarësimit, kërkesën për pranimin e anëtarësimit, ndërprerjen e anëtarësimit, kuotën e anëtarësisë dhe pagesa e saj.

Qëllimi

Me qëllimin për të përmbushur interesat e tyre në lidhje me standardizimin dhe në mbështetje të aktiviteteve kombëtare të standardizimit palët e interesuara mund të bëhen anëtar të Forumit Kombëtar të Standardizimit (FKS-së) të ngritur pranë DPS-së. Anëtarët e FKS-së mund të jenë anëtarë me të drejta të plota ose vëzhgues.

Palët e interesuara

Palët e interesuara të mundshme janë individët dhe grupet e mëposhtme:

- (1) ndërmarrjet e mëdha;
- (2) ndërmarrjet e vogla dhe të mesme (SME);
- (3) federatat e punëdhënësve dhe shoqatave tregtare;
- (4) shoqatat e konsumatorit;
- (5) sindikatat;
- (6) organizatat jo-fitimprurëse (OJF-të);
- (7) autoritetet publike;
- (8) universitetet dhe organizatat kërkimore;
- (9) trupat certifikuese, konsulentët dhe laboratorët; dhe
- (10) çdo individ në veçanti.

Termet e përdorur

Termet e përdorur në këtë rregullore kanë të njëjtin kuptim siç përcaktohen në ligjin nr. 9870, datë 4.2.2008, “Për Standardizimin”, i ndryshuar.

	Emri i institucionit: DREJTORIA E PËRGJITHSHME E STANDARDIZIMIT	Dokumenti Nr.: RB/DL/006	
	Titulli: Forumi Kombëtar i Standardizimit pranë DPS	Versioni: 02	Faqe Nr.: Faqe 3/9

KREU II

FORUMI KOMBËTAR I STANDARDIZIMIT (FKS)

1. Detyrat e Forumit Kombëtar të Standardizimit

FKS kryen detyrat e mëposhtme:

- Shqyrton çështjet që lidhen me anëtarësinë në FKS dhe jep propozime;
- Bën propozim për përmirësime të punës së DPS-së;
- Propozon kandidatë për anëtar në Bordin Drejtues dhe Bordin Teknik brenda kritereve të përcaktuara në aktet ligjore dhe rregulloret e DPS-së;
- Merr në konsideratë dhe kontribuon në çështjet që lidhen me standardizimin në Shqipëri dhe bën propozime përkatëse.

2. Konstituimi i FKS-së

2.1 Drejtori i Përgjithshëm i DPS-s shpall në mendiat publike njoftimin për krijimin e FKS-së pranë DPS-së.

2.2 Konstituimi i Forumit Kombëtar të Standardizimit, bëhet në një takim të parë themelues.

2.3 Takimi thirret nga Drejtori i Përgjithshëm, i cili e kryeson atë deri në zgjedhjen e Kryetarit.

2.4 Mbajtësi i procesverbalit caktohet një nga antarët e stafit të përhershëm të DPS-së.

3. Kryetari i FKS-së

3.1 Zgjedhja e Kryetarit

3.1.1 Në takimin e konstituimit, anëtarët e Forumit zgjedhin Kryetarin e Forumit Kombëtar të Standardizimit nga radhët e kandidatëve, të cilët kanë aplikuar për kryetar dhe i cili plotëson kushtet e vendosura në këtë rregullore.

3.1.2 Kandidati për kryetar duhet të mbështetet nga të paktën 10 anëtarë të FKS-së.

3.1.3 Kandidati i nominuar do të jetë personi, i cili gëzon reputacion të lartë në fushën e biznesit dhe ka njohuri të thella në fushën e standardizimit.

3.1.4 Vendimi lidhur me zgjedhjen e Kryetarit është i vlefshëm kur më shumë se gjysma e anëtarëve të Forumit janë të pranishëm në mbledhje. Forumi Kombëtar i Standardizimit zgjedh Kryetarin me votim të fshehtë, me shumicën e votave të anëtarëve të pranishëm.

3.1.5 Mandati i Kryetarit është katër (4) vjet, dhe ai nuk mund të rizgjidhet për më shumë se dy mandate radhazi.

3.2 Lirimi i kryetarit

3.2.1 Forumi Kombëtar i Standardizimit mund të lirojë kryetarin para skadimit të afatit zyrtar me kërkesën e vet, ose kur nuk kryen detyrën e dhënë në përputhje me vendimet e Forumit Kombëtar të Standardizimit ose të organeve drejtuese të DPS-së.

	Emri i institucionit: DREJTORIA E PËRGJITHSHME E STANDARDIZIMIT	Dokumenti Nr.: RB/DL/006	
	Titulli: Forumi Kombëtar i Standardizimit pranë DPS	Versioni: 02	Faqe Nr.: Faqe 4/9

3.2.2 Votimi për lirim të Kryetarit bëhet bazuar në arsyet, me shkrim të paraqitura nga të paktën 1/3 e anëtarëve të FKS-së. Kryetari shkarkohet me votim të fshehtë me shumicën e votave të anëtarëve të pranishëm në takimin e Forumit Kombëtar të Standardizimit.

3.2.3 Kur, për çfarëdo arsye, Kryetari i Forumit Kombëtar të Standardizimit ndërpret kryerjen e funksioneve pa mbaruar afati zyrtar i mandatimit, ose kur njofton mungesën e tij deri në fund të afatit, Drejtori i Përgjithshëm thërret një mbledhje të Forumit Kombëtar të Standardizimit në mënyrë që të zgjidhet një Kryetar i ri.

3.2.4 Kohëzgjatja e mandatit të Kryetarit të ri do të jetë deri në fund të mandatit të Kryetarit të shkarkuar.

3.3 Kompetencat e Kryetarit të Forumit Kombëtar të Standardizimit

Kryetari i FKS-së ka këto kompetenca:

- Thërret dhe kryeson mbledhjet e Forumit Kombëtar të Standardizimit,
- Nënshkruan dokumentet e miratuara nga Forumi Kombëtar i Standardizimit dhe monitoron zbatimin e tyre,
- Përcakton metodën dhe publikimin e vendimeve të miratuara nga Forumi Kombëtar i Standardizimit.

Kryetari i Forumit Kombëtar të Standardizimit mund të autorizojë me shkrim një anëtar të FKS-së të kryesojë një takim të FKS-së, kur një takim i tillë është caktuar më parë të mbahet.

4. Mbledhja e FKS-së

4.1 Forumi Kombëtar i Standardizimit përmbush detyrat brenda objektit të tij në mbledhjet e tij të rregullta dhe të jashtëzakonshme. Mbledhjet e rregullta të Forumit Kombëtar të Standardizimit, do të mbahen një herë në dy vjet.

4.2 DPS siguron ndihmë administrative për Kryetarin e FKS-së. Për këtë qëllim, Drejtori i Përgjithshëm emëron një person nga DPS-ja që komunikon rregullisht me FKS-në.

4.3 Sesionet e jashtëzakonshme të Forumit Kombëtar të Standardizimit, do të mbahen brenda 30 ditëve nga dita e pranimit të një kërkesë me shkrim dorëzuar nga:

- Të paktën një e treta e anëtarëve të FKS-së,
- Drejtori i Përgjithshëm i DPS-së.

4.4 Kryetari i FKS-së harton axhenden e takimit. Për këtë konsultohet me Drejtorin e Përgjithshëm dhe Kryetarin e Bordit Drejtues.

4.5 Ftesa për takimin e FKS-së, duke përfshirë edhe një projekt-plan dhe materialet përkatëse, do t'i shpërndahen anëtarëve të FKS-së, anëtarëve të Bordit Drejtues dhe Drejtorit të Përgjithshëm, si dhe çdo personi tjetër i ftuar, 15 (pesëmbëdhjetë) ditë para mbledhjes.

4.6 Ftesa për takimin e FKS-së duhet të ketë datën, kohën e fillimit të takimit, si dhe materialet bashkëlidhur.

5. Pjesëmarrja në mbledhjen e Forumit

5.1 Forumi Kombëtar i Standardizimit konsiderohet se ka kuorumin e nevojshëm kur më shumë se gjysma e anëtarëve të DPS-së janë të pranishëm në mbledhje.

5.2 Çdo anëtar i FKS-së merr pjesë në mbledhjet e Forumit Kombëtar të Standardizimit.

	Emri i institucionit: DREJTORIA E PËRGJITHSHME E STANDARDIZIMIT	Dokumenti Nr.: RB/DL/006	
	Titulli: Forumi Kombëtar i Standardizimit pranë DPS	Versioni: 02	Faqe Nr.: Faqe 5/9

5.3 Anëtarët e Bordit Drejtues, Drejtori i Përgjithshëm dhe drejtorët e departamenteve të DPS-së marrin pjesë në mbledhjet e Forumit Kombëtar të Standardizimit pa të drejtë vote.

5.4 Persona të tjerë, të cilët raportojnë për një pikë të caktuar të rendit të ditës, mund të ftohen në takimin e FKS-së pa të drejtë vote.

6. Zhvillimi i Mbledhjes

6.1 Pas sigurimit të pjesëmarrjes dhe kuorunit, Kryetari propozon miratimin e rendit të ditës.

6.2 Kryetari i FKS-së lejon anëtarët të diskutojnë për pikat e veçanta të rendit të ditës, duke lënë hapësirë edhe për diskutime. Diskutanti mund të diskutojë vetëm çështjen, e cila është pjesë e subjektit të rendit të ditës. Kryetari i Forumit ka kompetencën të kufizojë për një kohë të arsyeshme diskutimet e çdo folësi.

6.3 Për çdo takim të FKS-së mbahet procesverbal. Procesverbali mbahet nga një punonjës i DPS-s.

6.4 Procesverbali nënshkruhet nga Kryetari i FKS-së dhe nga mbajtësi i procesverbalit dhe duhet të përmbajë:

- datën e saktë të mbajtjes së takimit të Forumit Kombëtar të Standardizimit,
- kuorumin e Forumit Kombëtar të Standardizimit,
- axhendën e miratuar,
- datën dhe vendin e mbledhjes, si dhe kohëzgjatjen e tij,
- dokumentet e miratuara,
- komente të tjera, kur kërkohet nga pjesëmarrësit individual.

6.5 Një listë pjesëmarrjeje, me nënshkrimet e pjesëmarrësve i bashkangjitet procesverbalit si pjesë e pandarë e tij. Materialet e plota të mbledhjes së FKS-së dhe autorizimet me shkrim, janë bashkëlidhur me ftesën origjinale dhe procesverbalin.

7. Vendimmarrja

7.1 Forumi Kombëtar i Standardizimit i merr vendimet me konsensusin e anëtarëve të pranishëm. Kur konsensusi nuk arrihet, Forumi Kombëtar i Standardizimit miraton vendimin me votim të hapur, me shumicën e votave të anëtarëve të pranishëm.

7.2 Anëtarët japin votat e tyre me ngritje dore. Çdo anëtar i FKS-së ka të drejtën e një vote. Pesha specifike e votës së çdo subjekti përcaktohet me dokument të veçantë të miratuar nga organet drejtuese të DPS-së.

	Emri i institucionit: DREJTORIA E PËRGJITHSHME E STANDARDIZIMIT	Dokumenti Nr.: RB/DL/006	
	Titulli: Forumi Kombëtar i Standardizimit pranë DPS	Versioni: 02	Faqe Nr.: Faqe 6/9

KREU III

ANËTARËSIMI NË FORUMIN KOMBËTAR TË STANDARDIZIMIT

8. E drejta për t'u anëtarësuar në FSK

8.1 Me qëllim përmbushjen e interesave të tyre në lidhje me standardizimin, dhe pjesëmarrjen në aktivitetet kombëtare të standardizimit çdo person fizik ose juridik që ushtron veprimtari në Republikën e Shqipërisë mund të bëhet anëtar i FKS-së.

8.2 Çdo anëtar i FKS-së, sipas parashikimit të bërë në këtë rregullore, ka të drejtë të marrë pjesë në punën e DPS-së, në përputhje me Ligjin për Standardizimin, VKM-në mbi krijimin dhe funksionimin e Bordit Drejtues të DPS-së dhe Rregulloret e Brendshme të DPS-së.

9. Llojet e anëtarësimit

9.1 Anëtarët e FKS-së mund të jenë me të drejta të plota ose me status vëzhgues.

9.2 Lloji i anëtarësimit zgjidhet gjatë plotësimit të kërkesës për anëtarësim.

9.3 Lloji i anëtarësisë mund të ndryshohet nga anëtari me kërkesë me shkrim nga ana e tij.

9.4 Organet qeveritare (ministritë, agjencitë dhe strukturat administrative të përcaktuara me ligj ose me Vendim të Këshillit të Ministrave) konsiderohen anëtarë me të drejta të plota të FKS-së.

10. Aplikimi dhe pranimi i anëtarësimit

10.1 Kërkesa me shkrim për anëtarësim i dërgohet Kryetarit të FKS-së në formën e përcaktuar nga DPS-ja. Formulari i aplikimit ka një deklaratë të pranimit në përputhje me dispozitat e Ligjit mbi Standardizimin dhe Rregulloret e Brendshme të DPS-së.

10.2 DPS-ja vendos për pranimin e kërkesave për anëtarësim në FSK si anëtarë bazuar në kërkesat me shkrim dhe rregulloren për anëtarësim. Aplikantët duhet të njoftohen me shkrim për vendimin mbi anëtarësimin brenda 10 ditëve nga marrja e aplikimit.

10.3 Anëtarësimi në FKS fillon në datën kur DPS-ja ka marrë zyrtarisht vendimin dhe pas pagimit të tarifës së anëtarësimit për periudhën përkatëse të vitit kalendarik.

10.4 Lloji i anëtarësisë mund të ndryshohet në bazë të kërkesës me shkrim nga anëtari i FKS-së.

10.5 Për anëtarësimet e reja dhe procedurat (aplikimi, pranimi, ndërprerja, rivendosja), DPS-ja njofton Bordin Drejtues në mbledhjen e tij më të afërt.

11. Kuotat/Tarifat e anëtarësimit në FKS

11.1 Kuota e anëtarësisë është një kontribut i anëtarëve në zhvillimin e përgjithshëm të veprimtarisë së standardizimit në Shqipëri.

11.2 Shuma e pagesës së anëtarësisë përcaktohet në lidhje me llojin e anëtarësimit (të zgjedhur nga anëtari) dhe grupit të cilit anëtari i përket.

11.3 Kuotat për anëtarësim në FKS përcaktohen nga organet drejtuese të DPS-së.

11.4 Kuota e anëtarësimit për subjektet juridike fitimprurëse dhe jo-fitimprurëse si dhe për personat fizik varet nga lloji i anëtarësimit dhe numri i punonjësve të subjektit.

12. Kontributet e veçanta

12.1 Anëtarët mund të kontribuojnë në zhvillimin e fushave të veçanta të standardizimit ose të projekteve të veçanta të standardizimit me kontribute ekstra.

	Emri i institucionit: DREJTORIA E PËRGJITHSHME E STANDARDIZIMIT	Dokumenti Nr.: RB/DL/006	
	Titulli: Forumi Kombëtar i Standardizimit pranë DPS	Versioni: 02	Faqe Nr.: Faqe 7/9

12.2 Kontributet ekstra dhe mënyra e përdorimit të tyre përcaktohen me një akt të përgjithshëm të miratuar nga organet drejtuese të DPS-së.

13. Periudha e pagimit të kuotës

13.1 Kuota e anëtarësimit vjetor për vitin në vazhdim paguhet jo më vonë se data 31 Mars i atij viti.

13.2 Anëtarët, të cilët aplikojnë për anëtarësim, duhet të paguajnë shumën e semestrave pasardhës të vitit aktual.

14. Të drejtat dhe detyrimet e anëtarëve

14.1 Anëtarët (me të drejta të plota dhe vëzhgues në FKS) kanë të drejtë të:

- marrin pjesë në punën teknike të DPS-së - komitetet teknike dhe grupet e punës,
- marrin informacion në lidhje punën e standardizimit në nivel kombëtar, evropian dhe ndërkombëtar,
- propozojnë kandidatë për anëtar të Bordit Drejtues.
- propozojnë kandidatë për anëtar të Bordit Teknik,
- marrin pa pagesë buletin zyrtar, katalogun, materiale të tjera me karakter informues,
- njihen me rregulloret e brendshme të DPS-së,
- marrin informacion të rregullt mbi konferencat dhe seminarët e organizuara nga DPS,
- përfitojnë zbritje të pagesës për standardet dhe draft standardet shqiptare,
- përfitojnë zbritje të pagesës për shërbimet e ofruara nga DPS.

14.2 Përveç të drejtave të shënuara në pikën 14.1, anëtarët me të drejta të plota kanë të drejtën të:

- informohen lidhur me çdo çështje të rëndësishme me interes të veçantë për to;
- marrin pjesë në punën e organeve teknike të organizatave evropiane dhe ndërkombëtare të standardizimit;
- kanë akses në dokumentat e punës të organeve teknike ku ata marrin pjesë, të cilat janë subjekt i respektimit të të drejtave të autorit dhe përdorimit të së drejtës së DPS-së,
- përfitojnë zbritje të pagesës për seminarët dhe programet e trajnimit të organizuara nga DPS.

14.3 Zbritja në shitjen e standardeve dhe dokumenteve të standardizimit, në seminarët dhe programet e trajnimit të organizuara vendoset nga DPS me miratimin e Ministrisë së Financave.

14.4 Anëtarët e FKS-së kanë detyrimet e mëposhtme:

- të paguajnë kontributet të tyre të anëtarësimit deri në fund të tremujorit të parë të çdo viti kalendarik;
- të respektojnë aktet ligjore në fushën e standardizimit, rregulloret e brendshme, vendimet/urdrat e organeve drejtuese të DPS-së;
- të kontribuojnë në arritjen e qëllimeve dhe zbatimin detyrave të DPS-së;
- të ndihmojnë në nxitjen e përdorimit të standardeve shqiptare dhe të mbrojnë reputacionin e DPS-së;
- të respektojnë të drejtën e pronësisë intelektuale, të shfrytëzimit dhe të drejtën e autorit të DPS-së;
- të mos veprojnë në dëm të qëllimeve dhe interesave të DPS-së;
- të mbështesin ecurinë e punës së komiteve teknike në të cilat marrin pjesë.

15. Ndërprerja e anëtarësimit

15.1 Anëtarësimi në FKS përfundon me:

	Emri i institucionit: DREJTORIA E PËRGJITHSHME E STANDARDIZIMIT	Dokumenti Nr.: RB/DL/006	
	Titulli: Forumi Kombëtar i Standardizimit pranë DPS	Versioni: 02	Faqe Nr.: Faqe 8/9

1. Dorëheqje,
2. Shpërbërjen e personit juridik ose fizik,
3. Përrjashtim

15.2 Ndërprerja e anëtarësimit me dorëheqje ndodh pas një kërkesë paraprake me shkrim, nga ana e anëtarit, drejtuar Drejtorit të Përgjithshëm ose Kryetarit të Bordit Drejtues.

15.3 Ndërprerja e anëtarësimit për shkak të shpërbërjes së personit juridik ose fizik, ndodh në bazë të vendimit të organit kombëtar të regjistrimit për fshirjen e personit juridik ose fizik nga regjistri kombëtar.

15.4 Ndërprerja e anëtarësimit për shkak të përrjashtimit ndodh në rastet kur:

1. Anëtari nuk paguan kontributin e anëtarësisë brenda vitit kalendarik;
2. Anëtari dështon në kryerjen e detyrave dhe respektimin e legjislacionit të Standardizimit, të rregulloreve të brendshme dhe/ose vendimeve të organeve drejtuese të DPS-së;
3. Anëtari dëmton ose rrezikon të dëmtojë reputacionin e DPS-së.

15.5 Vendimi për ndërprerjen e anëtarësimit në FKS miratohet nga njëri nga organet drejtuese të DPS-së.

15.6 Vendimi i dërgohet për informacion anëtarit në fjalë dhe, kur është e aplikueshme, një periudhë kohore (10 ditë pune) lihet për përgjigje nga ana e anëtarit.

15.7 Vendimi për ndërprerjen e anëtarësimit hyn në fuqi në datën që është miratuar.

15.8 Me përfundimin e anëtarësisë, kontributi i paguar për anëtarësim për vitin aktual nuk rimbursohet.

16. Rivendosja e Anëtarësimit

16.1 Anëtarësimi në FKS rivendoset pas dorëzimit të kërkesës me shkrim tek organet drejtuese të DPS-së.

16.2 Një anëtar, anëtarësia e të cilit ka përfunduar me kërkesën e tij, mund të paraqitet për anëtarësim pas kalimit të gjashtë muajve nga vendimi për ndërprerjen e anëtarësimit.

16.3 Kërkesa për rivendosjen e anëtarësimit miratohet mbas pagimit të kontributit të anëtarësisë për periudhën në vazhdim.

16.4 Një anëtar i përrjashtuar, anëtarësia e të cilit ka përfunduar për shkak të dështimit në përmbushjen e detyrave si anëtar ose për shkelje të ndonjë dispozite të legjislacionit mbi Standardizimin, rregulloreje të brendshme të DPS ose vendimi të organeve drejtuese të DPS-së, mund të ri-aplikojë për anëtarësim nëse arsyeja për përrjashtimin ka pushuar së ekzistuari, por jo më parë se të paktën një vit nga data e përrjashtimit.

16.5 Vendimi për rivendosjen e anëtarësimit në FKS miratohet nga organet drejtuese të DPS-së dhe hyn në fuqi nga data kur është marrë vendimi.

16.6 Anëtarësimi në FKS mund të vazhdojë, pas një njoftimi me shkrim në organet drejtuese të DPS-së bashkëngjitur me provat përkatëse dhe duke deklaruar angazhimin e tyre për të zbatuar legjislacionin në fushën e standardizimit, rregulloret e brendshme dhe vendimet e organeve drejtuese të DPS-së.

17. Kjo rregullore hyn në fuqi ditën e miratimit të saj nga Bordi Drejtues i DPS-së.

	Emri i institucionit: DREJTORIA E PËRGJITHSHME E STANDARDIZIMIT	Dokumenti Nr.: RB/DL/006	
	Titulli: Forumi Kombëtar i Standardizimit pranë DPS	Versioni: 02	Faqe Nr.: Faqe 9/9

ANEKSET

Aneksi 1

Propozimi për përmbajtjen e kërkesës për anëtarësim në DPS.

Kërkesa me shkrim duhet të specifikojë:

1. Emrin dhe adresën e biznesit të aplikantit;
2. Emrin e plotë dhe adresën për korrespondencë të personit të autorizuar si përfaqësues;
3. Lloji i Anëtarësimit: me të drejta të plota ose vëzhgues
4. Grupet: individ, person juridik fitimprurës, person juridik jo fitimprurës ose person fizik
5. Numri i punonjësve për personat juridik.
6. Lloji i entitet/personit jo-fitimprurës.
7. Një deklaratë e angazhimit për të vepruar në përputhje me legjislacionin në fushën e standardizimit, rregulloret e brendshme dhe vendimet e organeve drejtuese të DPS-së.

DEKLARATË

e angazhimit për të vepruar në përputhje me legjislacionin në fushën e standardizimit, rregulloret e brendshme të DPS-së dhe vendimet e organeve drejtuese të saj.

Me anë të kësaj Deklarate konfirmoj pranimin e parimeve dhe rregullave të Forumit Kombëtar të Standardizimit pranë Drejtorisë së Përgjithshme të Standardizimit, të Ligjit për standardizimin, rregulloreve të brendshme dhe vendimet e organeve drejtuese të DPS-së, dhe jam i gatshëm të veproj në përputhje me parimet dhe rregullat për funksionimin, duke përfshirë edhe respektimin e të drejtave të autorit në kuptimin e standardeve, për të kontribuar në zhvillimin e standardizimit në Shqipëri, për të promovuar përdorimin e standardeve shqiptare dhe për të mbrojtur reputacionin e DPS-së.